

յայտնի կայուցանելոյ զիրաւունս իւրեանց, բողոք բարձիւն
յատենի անդ զանիրաւ պահանջմանէ Վրաց և Լատինաց,
որք առիթ եղեն այնքան ծախուց եւ վնասուց: Եւ յետ
աւարտելոյ դատին, Հայք վերստին առին հրովարտակ
'ի Սուլթանէն, թէ վասն սեփականութեան Ս. Յակոբայ
և թէ Գողգոթային, ըստ առաջնոյն մնալ 'ի ժառանգու-
թեան Հայոց:

Արդ զթարգմանութիւն հրովարտակին, զոր տուեալ է
Մէլիք Զահր Պերգուգ, արժան համարիմ գնել աստանօր,
որ ունի օրինակ զայս:

Զկնի ողջունի պատուոյ եւ մեծարանաց: Արդ յայտնի
է ձեզ (իմա կուսակալն կամ փոխանորդն), որպէս եւ ինձ
զոր ինչ միանգամ գրեալ եմ յառաջին հրովարտական, և
առաքեալ առ ձեզ մի զինի միոյ, որք են այժմ 'ի ձեռս
Հայոց, Լատինաց և Վրաց, յորս բացայայտ ծանուցեալ են
սեղիքն երուսաղէմի 'ի ձեռս իւրաքանչիւր ազգաց, չհա-
կառակել և չկուսիլ ընդ միմեանս սակս տեղւոյ և եկեղեց-
ւոյ. զի Լատինք և Վիրք գան առ մեզ հրովարտակաւ և
մուրհակաւ, նոյնպէս և Հայք հրովարտակաւ, մուրհակօք,
վճաւ չորից դէնպետաց, և զօրաւոր հանրագրով, որոց
վճիւ եւ զօրութիւն աւելէ յաւիտեանս, զի հաստատու-
թեամբ և ճշմարտութեամբ վկայեն թէ՛ վանքն Ս. Յակո-
բայ, է սեփական Հայոց, եւ ոչ այլոց: Եւ յորժամ գայ
ոք աստ հանրագրութեամբ և հրովարտակաւ, գրեմ նմա
հրովարտակ ըստ տրամադրութեան նոյնն: Այժմ եկն 'ի
գուռս մեր դեսպան թագաւորին Վրաց, և յանդիման լինել
նորա ատենի մերում, հրամայեցաք գրել հրովարտակ ա-
ռաջի նորա, որպէս հրամայեցաք գրել առ Տէր Սէթ,
(թերեւս իցէ Սահակ) և առ Տէր Յովսէփ, որք էին յազ-
գէ Հայոց, սակս վանաց Ս. Յակոբայ, որպէս և ծանու-
ցեալ իսկ էին մեզ, թէ անց բաւական ժամանակ և վանքն
մեր մնաց 'ի ներքոյ դատի, եւ հասին առ մեզ մեծամեծ
նեղութիւնք եւ վնասք: Եւ մեք հաւանեալ գրեցաք առ
մեծապատիւ կուսակալն զի կալցի իւրաքանչիւր ազգ
զժառանգութիւն իւր. և բնակեցին 'ի տեղիս եւ յեկե-
ղեցիս իւրեանց, զորս ունէին յառաջագոյն. որպէս վկա-
յեն այսմ մուրհակք և վճիւք դատաւորաց 'ի ձեռս նոյց: